

Na osnovu člana 32. tačka 7., člana 42., 43., 44., 47., 48. i 50. stav 1. Statuta JP "Televizija Kantona Sarajevo" d.o.o. Sarajevo - prečišćeni tekst), člana 3. Odluke o raspisivanju javnog konkursa za izbor i imenovanje člana Uprave - izvršnog direktora, broj: 02-156/17 od 18.10.2017. godine, a u vezi sa članom 27. stav 4. Odluke o usklađivanju statusa Javnog preduzeća "Televizija Kantona Sarajevo" sa Zakonom o javnim preduzećima u Federaciji Bosne i Hercegovine ("Službene novine KS", broj 33/05, 30/08, 25/09, 22/11 i 1/13), članom 12. Zakona o javnim preduzećima u FBiH ("Službene novine FBiH", broj 8/05, 81/08, 22/09 i 109/12) i članom 257. f) Zakona o privrednim društvima (Službene novine FBiH, broj: 81/15), te u skladu sa odredbama Odluke o standardima i kriterijima za izbor i imenovanje Uprave - direktora i izvršnih direktora JP "Televizija Kantona Sarajevo" d.o.o. Sarajevo, broj: 02-27/16 od 14.3.2016. godine, Nadzorni odbor JP "Televizija Kantona Sarajevo" d.o.o. Sarajevo, o b j a v l j u j e

JAVNI KONKURS

za izbor i imenovanje člana Uprave - izvršnog direktora za finansijske, marketinške i opće poslove JP "Televizija Kantona Sarajevo" d.o.o. Sarajevo

I - Predmet javnog konkursa

Objavljuje se javni konkurs za izbor i imenovanje člana Uprave JP "Televizija Kantona Sarajevo" d.o.o. Sarajevo (u daljem tekstu: JP TVSA) i to:

1. Izvršni direktor za finansijske, marketinške i opće poslove

II - Opis pozicija

Izvršni direktor je član Uprave, te obavlja poslove iz nadležnosti Uprave JP TVSA, kako slijedi:

- organizacija i vođenje poslova Preduzeća;
- izvještavanje Nadzornog odbora Preduzeća na zahtjev Nadzornog odbora;
- provedba Statuta i Etičkog kodeksa;
- izrada i nadgledanje realizacije planova poslovanja;
- izrada provedbenih propisa za postupak nabavki i provedba Zakona o javnim nabavkama Bosne i Hercegovine;
- priprema prijedloga o raspodjeli dobiti;
- priprema prijedloga cijena usluga;
- zapošljavanje i otpuštanje zaposlenika, u skladu sa postupcima utvrđenim u poslovniku ili poslovniciima te važećim zakonima;
- zastupanje Preduzeća prema trećim licima;
- staranje i odgovornost za zakonitost rada Preduzeća;
- distribucija i implementacija etičkog kodeksa u Preduzeću;
- obezbjeđenje postupanja svih odgovornih lica, u skladu sa etičkim kodeksom, tako što će se protiv lica koja ne postupaju u skladu s istim provesti disciplinski postupak;
- drugi poslovi neophodni za neometano odvijanje organizacije i vođenja poslovanja Preduzeća;

Izvršni direktor za finansijske, marketinške i opće poslove zastupa i predstavlja Preduzeće i odgovara za zakonitost poslovanja u obimu u kojem to odredi direktor Preduzeća, a što se utvrđuje posebnim rješenjem, koje donosi direktor. U Sektoru za finansijske, marketinške i opće poslove, obavljaju se poslovi vezani za ukupan rad i funkcionisanje TVSA, kao i svi poslovi vezani za knjigovodstveno-računovodstvene i finansijske poslove, marketinške poslove i sve opće administrativno-tehničke i logističke poslove za funkcionisanje JP TVSA. U Sektoru su i poslovi vezani sa saradnju sa drugim TV kućama iz zemlje i Svijeta, poslovi javnih nabavki, te poslovi sradanje sa organizacijama, institucijama i drugim pravnim i fizičkim licima iz zemlje i svijeta sa kojima TV ima saradnju i/ili odnose.

III - Mandat

Izbor i imenovanje izvršnog direktor vrši se na period do 12.4.2020.godine, do kada traje mandat aktuelnoj Upravi JP TVSA.

IV - Opći i posebni uvjeti

Kandidati moraju ispunjavati opće i posebne uvjete.

Opći uvjeti:

- da je državljanin BiH (dokaz: uvjerenje o državljanstvu),
- da je stariji od 18 godina (dokaz: fotokopija CIPS-ove lične karte ili rodni list),
- da presudom suda nije zabranjeno obavljanje aktivnosti u nadležnosti Uprave (dokaz: uvjerenje nadležnog suda),
- da se protiv njega ne vodi krivični postupak vezan za poslove u nadležnosti Uprave (dokaz: uvjerenje nadležnog suda),
- da nije na funkciji ili član organa političke stranke (dokaz: izjava kandidata potpisana i ovjerena od nadležnog općinskog organa),
- da je mlađi od 65 godina,

Pored općih uvjeta kandidat za izvršnog direktora za finansijske, marketinške i opće poslove mora ispunjavati i posebne uvjete:

- da ima univerzitetsku diplomu (VII stepen stručne spreme ili završen prvi ili drugi ili treći ciklus bolonjskog sistema studiranja), (dokaz: univerzitetska diploma),
- da ima najmanje tri (3) godina iskustva, nakon sticanja visoke stručne spreme, (dokaz: potvrda poslodavca),
- da nije u upravljačkim strukturama (Upravni odbor, Nadzorni odbor, Poslovodni odbor/menadžment, Skupština, Uprava) u javnim i/ili privatnim emiterima koji se bave djelatnošću kao JP TVSA (dokaz: izjava kandidata potpisana i ovjerena od nadležnog općinskog organa),
- kandidat će dostaviti potpisanu i ovjerenu izjavu da će u slučaju izbora i imenovanja u Upravu na poziciju izvršnog direktora JP TVSA podnijeti ostavku iz Skupštine i/ili Nadzornog odbora, ukoliko je, eventualno, član tih organa (dokaz: izjava kandidata potpisana i ovjerena od nadležnog općinskog organa).

V - Potrebni dokumenti

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od šest mjeseci), koji su dokaz o ispunjavanju općih i posebnih uvjeta. Konkurs će biti objavljen u dnevnim listovima: "Oslobođenje" i "Dnevni avaz", te na web portalu - www.tvsa.ba. Rok za dostavljanje prijave je 8 (osam) dana od dana posljednje objave.

U slučaju potrebe JP TVSA zadržava pravo da za kandidate koji ispunje formalno - pravne uvjete iz javnog konkursa, po službenoj dužnosti od nadležnog organa zatraži izdavanje uvjerenja iz kaznene evidencije (uvjerenje da kandidat nije osuđivan), kao i druga potrebna uvjerenja.

VI - Ostale napomene

Svi kandidati koji ispunje formalno - pravne uvjete navedene u konkursu bit će pozvani na intervju koji će obaviti Nadzorni odbor JP TVSA.

Prijavu sa traženim dokumentima dostaviti lično ili poštom, sa naznakom pozicije na koju se prijavljujete, preporučeno na adresu:

JP "Televizija Kantona Sarajevo" d.o.o. Sarajevo
KOMISIJA
Ul. Bulevar Meše Selimovića br. 12
71 000 SARAJEVO